

Сафар фарсахлар билан ўлчанмайди | Фиқҳ дарслари (246-дарс)



19:00 / 07.09.2023 1095

عْلَمْ لَهُ عَلَيْهِ سَنَاءٌ نَّعْلَمْ
وَسَرَعَ مُتْبَلَصُ لُوقَى
لَعْلَمْ لَهُ لَهُ لَعْلَمْ
نَيَدَمْ لَابَ رَهْظَلَمْ لَسَوَ
رَصَغْلَمْ لَهُ عَمْ تْبَلَصَ وَأَعْبَرَأَ
نَيَتَعْكَرَةَ فَيَلْحَلَّا يَذَبَ
دُوَادُ وَبَأَوْ مَلْسُمْ حَارَ

Анас розияллоху анхудан ривоят қилинади:

«Расулуллоҳ соллаллоҳу алайҳи васаллам билан Мадинада пешинни түрт ракъат ва асрни Зул Ҳулайфада икки ракъат ўқидим».

Имом Муслим ва Абу Довуд ривоят қилишган.

Расулуллоҳ соллаллоҳу алайҳи васаллам сафарга чиққан бўлсалар ҳам, Мадинадан чиқмаганлари учун пешинни түрт ракъат ўқиганлар. Асрда шаҳардан чиқиб, Зул Ҳулайфа деган жойга етиб қолганлари учун намозни қаср қилиб икки ракъат ўқиганлар.

«Уч куну уч кечалик масофани қасд қилиб» деган гапни ҳам шарҳ қилишимиз лозим бўлади.

Бунда уч кун юриш учун, уч кеча дам олиш учун бўлиши кўзда тутилган.
Бунга далил қуидагича:

يَضْرِبُتْ بَأْثَرْنَبَهْ مُجْنُخْ نَعْ
يَلْصَمْ يَبْنَلِإِنْعُونْ
لَاقَ مَلَسَ وَهْ يَلْعُولَلَا
«يَفْخُلَ إِلَعْسَمْ لَا»
هَأَلَثَ رَفَأْسُمْ لَلَّ
هَأَوْرَ.»
يَذْمُرْتَلَأَوْدُوَادَ وُبَأَ

Хузайма ибн Собит розияллоху анхудан ривоят қилинади:

«Набий соллаллоҳу алайҳи васаллам:

«Махсига масҳ тортиш мусоғир учун уч кун, муқим учун бир куну бир кеча», дедилар».

Абу Довуд ва Термизий ривоят қилишган.

Мана шу ҳадисдан уч кунлик сафарни ният қилмаган одам шаръий маънодаги мусоғир бўлмаслиги келиб чиқади.

«Масофани қасд қилиб» дейилганидан масофани қасд қилмай содир бўлган сафар шаръий ҳукмларга тегишли сафар бўлмаслигини билиб оламиз.

Мисол учун, бирор қочиб кетган отини ушлайман деб йўлга чиқса ва бир неча кун унинг ортидан қувиб юрса ҳам, намозни тўлиқ ўқииди.

«Уч кунлик масофа»ни босиб ўтиш вақтидаги кунлар деганда мўътадил юртлардаги энг қисқа кунлар эътиборга олинади. Яъни кундузи жуда қисқа ёки жуда ҳам узун бўладиган юртларни эмас, ўртача бўладиган юртларнинг куни олинади. Ўшанда ҳам эрталабдан пешингача юргани ҳисоб. Қолгани намоз, дам ва овқатланишга чиқарилади. Агар тез юриб, мазкур масофани ундан оз вақтда босиб ўтадиган бўлса ҳам, қаср ўқииди.

Ҳанафий уламоларнинг кўплари: «Сафар фарсахлар билан ўлчанмайди», деганлар.

Бошқа мазҳаблар: «Сафар масофаси тўрт барид бўлса, шаръий сафар бўлади ва унда намозни қаср ўқишга рухсат бўлади», дейдилар.

«Барид» масофа бирлиги бўлиб, бир барид масофа тўрт фарсахга, ҳадисда келган тўрт барид эса ўн олти фарсахга тўғри келади. Бир фарсах 5544 метр, тўрт фарсах 22176 метр бўлади. Тўрт барид эса 88704 метр бўлади.

«Барид» луғатда «почта» маъносини билдиради. Илгари вақтда Ислом ўлкаларида почта ишлари отда юриб амалга оширилган. Шаҳарлар орасидаги почтахоналар маълум масофага қурилган. Бир барид билан иккинчисининг ораси тўрт фарсах, яъни 22176 метр бўлган. Ҳар почтахона – баридда ходимлар отларини боқиб, шай бўлиб турганлар, аввалги бариднинг ходимлари узоқдан кўриниши билан йўлга тайёр бўлиб отни миниб турганлар. Улар келиб, почтани топшириши билан булар от чоптириб, олға босганлар. Биринчи ва иккинчи почтахона орасидаги масофа ўша вақтнинг таомилига кўра, «барид» деб айтилган.

Ушбу биз ўрганаётган ривоятга кўра, тўрт барид, яъни 88 км 704 метр жойга сафар қилган одам мусофири ҳисобланган.

Ҳанафий мазҳаби ўлчовига кўра, 96 км масофа сафар масофаси ҳисобланган.

Баъзи уламолар юқорида зикр қилинган вақт ва шароитда пиёда юриб, ҳар қадамини ўлчаб, уч кунлик йўл 88 км билан 96 км орасида чиқишига гувоҳ бўлғанлар.

Улар туяга юк юклаб, юргизиб кўриб ҳам худди шу каби натижанинг гувоҳи бўлғанлар.

Ва ниҳоят, икки тарафнинг услуби икки хил бўлса ҳам, натижа бир хил экан, деган хulosага келганлар.

Ўртача юриш ила.

Тез юриш ҳам, секин юриш ҳам ҳисоб эмас.

У қуруқликда туянинг ва пиёданинг юришидир.

Ўртача юриш бўлғанда ҳам, отнинг ёки бошқа ҳайвоннинг эмас, туянинг юриши ҳисобидадир. Шунингдек, оддий пиёданинг юришида уч кун юриладиган сафар бўлиши керак.

Денгизда эса кеманинг шамол мўътадил бўлгандаги юришидир.

Мабодо денгиз сафари бўладиган бўлса, ўша вақтдаги шамол кучи билан юрадиган кемаларнинг қаттиқ шамол тургандаги ҳам эмас, шамолсиз қолган вақтдаги ҳам эмас, денгизчилар урфидаги мўътадил юриши ҳисобга олинади.

«Кифоя» китобининг биринчи жузи асосида тайёрланди

Ушбу китоб Ўзбекистон Республикаси Дин ишлари бўйича қўмитанинг 2022 йил 5 октябрдаги 03-07/7013-раҳамли хulosаси асосида чоп этилган.